

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10), na prijedlog Ministarstva za pravosuđe i upravu, Vlada Zeničko-dobojskog kantona na 133. sjednici održanoj dana 07.11.2013. godine, d o n o s i

ZAKLJUČAK

I.

Utvrđuje se Inicijativa za donošenje Zakona o izmjeni i dopuni Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 11/12).

II.

Inicijativa iz tačke I. ovog zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/13.
Datum, 07.11.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.

Na osnovu članka IV A 20. D. Ustava Federacije Bosne i Hercegovine Zastupnički dom na sjednici održanoj _____ 2013. godine, d o n o s i

**ZAKON
O IZMJENI I DOPUNI ZAKONA O PLAĆAMA I NAKNADAMA U ORGANIMA
VLASTI FEDERACIJE BOSNE I HERCEGOVINE**

**Članak 1.
(Naknada plaće nakon prestanka javne funkcije)**

U članku 11. u stavak 1. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i 11/12), broj: „12“ mijenja se brojem „6“ a iza stavka 3. dodaje se NOVI stavak 4. koji glasi“

„Naknada iz stavka 1. i stavka 2. ovog članka ne pripada izabranim dužnosnicima, nosiocima izvršnih funkcija i savjetnicima koji podnesu ostavku ili budu smijenjeni“.

**Članak 2.
(Stupanje na snagu)**

Ovaj zakon stupa na snagu narednog dana od dana objave u „Službenim novinama Federacije BiH“.

Broj:
Datum,
Sarajevo

PREDSJEDAVAJUĆI

OBRAZLOŽENJE

I - PRAVNI OSNOV

Pravni osnov za donošenje Zakona o izmjeni i dopuni Zakona o plaćama i naknadama u organima vlasti Federacije Bosne i Hercegovine sadržan je u članku IV A 20. D) Ustava Federacije Bosne i Hercegovine.

II - RAZLOZI ZA DONOŠENJE

Skupština Zeničko-dobojskog kantona Zaključkom broj:01-02-20196-1/13 od 25.9.2013. godine je zadužila Vladu Zeničko-dobojskog kantona i Ministarstvo za pravosuđe i upravu da u roku od 60 dana pripremi i u skupštinsku proceduru dostavi prijedlog inicijative za izmjenu članka 11. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i 11/12), kojim je regulirana naknada plaće nakon prestanka javne funkcije, u smislu da izabrani dužnosnici i nositelji izvršnih funkcija, nakon prestanka obavljanja javna funkcije, a do zasnivanja novog radnog ili ugovornog odnosa ili do ispunjenja uvjeta za mirovinu, prema općim propisima, imaju pravo na naknadu plaće koju su ostvarili dok su obavljali javnu funkciju u trajanju od 6 mjeseci, umjesto 12 mjeseci, a u cilju stabilizacije Proračuna.

III - OBRAZLOŽENJE PRAVNIH RJEŠENJA

U članku 1. Zakona utvrđeno je da izabrani dužnosnici i nositelji izvršnih funkcija nakon prestanka obnašanja javne funkcije, a do zasnivanja novog radnog ili ugovornog odnosa ili do ispunjavanja uvjeta za mirovinu, prema općim propisima, imaju pravo na naknadu plaće koju su ostvarivali dok su obnašali javnu funkciju u trajanju od 6 mjeseci, umjesto 12, a dodat je i novi stavak kojim se utvrđuje da izabrani dužnosnici, nosioci izvršnih funkcija i savjetnici nemaju pravo na naknadu ukoliko podnesu ostavku ili budu smijenjeni, što će bitno utjecati na smanjenje proračunskih rashoda a samim tim i odredba će biti preciznija i na nedvosmislen način će utvrditi da to pravo ne pripada podnositelju ostavke ili smijenjenom dužnosniku iz zakonom utvrđenih razloga za smjenu.

IV- FINANCIJSKI EFEKTI

Za sprovođenje ovog zaključka nisu potrebna dodatna sredstva u Proračunu Zeničko-dobojskog kantona jer nisu propisane nikakve naknade niti druge materijalne obveze.